

3-156

6/1-2

國民革命軍戰史初稿

第二輯

國民革命軍戰史初稿第二輯(第二冊)

第二篇 十九年諸戰役(甲)

晉閭變前之形勢

一 事變之起因

自李宗仁馮玉祥唐生智相繼戡平國軍轉戰疲罷頗蒙損失閭錫山獨擁第三集團軍據晉冀察綏四省之地財用既足部隊又復完整睥睨自雄凡爲中央擯棄及自懷疑貳之軍人政客輻輳其門對於中央儼然敵國十九年二月十日閭以禮讓爲國在野負責等詞電脅蔣總司令下野繼於二月二十一二十三兩日聯合李宗仁馮玉祥等並捏名僞稱各將領同志發表通電爲擁戴一已要脅中央之資迨計不逞乃集中勢力託於兵諫而開十九年諸戰役之端焉

先是十八年十二月石友三所部第十三路軍在浦口叛變唐生智率第五路軍倒戈響應閭卽擅委韓復榘石友三何鍵王金鈺爲中華民國陸軍第一二三四等路總司令並以黨事決諸黨員國事決諸國人之主張密徵東北邊防司令張學良同意旋以張不附和韓等默無表示閭之所謀遂無形消弭及其出兵鄭州張皇六師對唐部卒不加一矢而反縱之又收孫殿英劉春榮等部爲己用擅委爲十四軍及二十軍軍長可見其蓄謀非一日矣

二 各方情勢與敵軍實力

十八年編遣決裂多數軍隊仍在私人系統與私人地域管領之下每次事變則全國軍隊顯分爲敵對與中立三派現就十九年二三月間之情勢觀之除蒙古新疆西藏均以遠在邊陲不能參與戰役外其餘晉冀察綏四省爲閻錫山部所據陝甘寧青四省爲馮玉祥部所據桂省爲李宗仁部所據皖省北部豫省東西部爲雜軍土匪所踞均爲敵方之範圍蘇魯浙閩粵贛湘鄂八省及豫皖兩省之一部則爲中央之範圍其他遼吉黑熱四省偏於東北川康滇黔四省偏於西南均以邊防關係並有其內部特殊情形雖屬中央而不能直接參加戰役形成中立之範圍尙有暫編第二師盧興邦第四十九師任應岐獨立第十旅高桂滋等部在閩蘇魯三省境內與閻密通款曲約爲內應故敵勢張甚茲列舉其實力如左

閻錫山部

步兵一百零七團 每團三營每營步兵三連機砲一連每步兵連分三排九班每班士兵十二名有衝鋒機關槍一枝
步槍十一枝每機砲連分三排六班每班士兵十二名有機關槍四架迫擊砲二門
騎兵十二團 每團四連每連四排十二班共士兵一百二十名騎槍同馬約一百三十四
砲兵十三團 山砲十團每團砲三十六門野砲一團重砲兩團每團各有砲二十七門團之編制三營每營三連每連三排每排二班每班十二名
工兵八營 每營三連分橋梁電雷電話三隊每連三排每排三班每班士兵十二名
輜重兵八營 每營四連其一二三連同步兵連第四連爲衛生担架隊每連均分三排九班每班士兵十二名
機關槍一團 三營編成每營四連每連三排每排三班每班士兵十二名機關槍每連六架全團共七十二架
憲兵十六營 每營四連每連二排每排三班每班士兵十名每兵攜駁壳槍一枝戰刀一把

鐵甲車四隊 中山號三隊山西號一隊

航空隊 飛機共六架均舊式

右計戰鬥員約十五萬八千餘人馬八千餘匹槍十二萬八千餘枝重砲五十四門野砲二十七門山砲三百六十門迫擊砲六百四十二門機關槍一千三百五十六挺鐵甲車四列飛機六架

馮玉祥部

步兵一百八十餘團 每團三營每營四連每連分三排九班每班士兵十二名槍六枝大刀六把每團附機關槍一連（六挺）迫擊砲一連（六門）連各八十餘人但團之編制人員並不齊一且半數不附機關槍迫擊砲各連騎兵六團 每團四連每連四排十二班共士兵一百二十名騎槍與刀矛相雜馬約一百三十四右計戰鬥員約二十八萬餘人馬三千二百餘匹長短槍十二萬餘枝刀矛約十五萬餘柄機關槍約五百餘挺迫擊砲六百餘門

李宗仁部

約有步兵三十餘團編制凌亂兵器複雜約有戰鬥員三萬餘人槍兩萬餘枝山砲迫擊砲共約三十餘門

附敵各部

石友三部 約四萬五千餘人槍二萬六千餘枝

孫殿英部 約四萬餘人槍一萬七千餘枝

萬選才部 約三萬餘人槍一萬五千餘枝

劉春榮部 約一萬三千餘人槍八千餘枝

樊鍾秀部 約一萬餘人槍三千餘枝

劉桂堂部 約八千餘人槍五千餘枝

王振部 約一萬五千餘人槍四千餘枝

任應岐部 約一萬五千餘人槍八千餘枝

高桂滋部 約六千餘人槍三千餘枝

盧興邦部 約一萬七千餘人槍萬餘枝

右計約二十餘萬人槍十萬餘枝刀矛五萬餘柄


綜計敵軍實力約有兵員七十萬人馬一萬二千匹長短槍三十七萬枝大小砲一千八百門機關槍三千挺刀矛二十萬柄及鐵甲車飛機等如前數

三 敵方之行動


二月十日至三月五日閻錫山以電文與中央往還辯詰(別見)至五月十日乃調兵遣將日不暇給實行稱兵其間密謀由微而顯由緩而急醞釀百端錯綜萬變茲將當時組織及計畫列記如次

(一)三月九日閻馮李受其所部將領擁戴為陸海空軍總副司令總部設在太原任劉驥為總參謀長組織如左





(二)三月十一日馮玉祥抵潼關編隴海路軍爲三軍團以鹿鍾麟爲前敵總司令準備東犯



(三)五月一日預定全線進犯之期爲準備未畢改至五月十日實行其計劃概要如左

(一)第一方面軍(李宗仁)以廣州爲攻擊目標如難成功則北出湘贛以指國軍之背

(二)第二方面軍(鹿鍾麟)主力集中鄭州視情況有利或由平漢路進攻武漢或佔領信陽後東出淮陽進攻蚌埠或由隴海路攻徐州而以攻擊襄樊及南陽以事牽制

(三)第三方面軍(徐永昌)以四師兵力控置於天津北平保定石家莊各地爲總預備隊以四師兵力集中蘭封考城附近援助第四方面軍攻襲魯西皖北各地以四師兵力分布津浦路北段及其左右地區暫取攻勢防禦俟二四方面軍進展有利時乘機襲據濟南以上均以徐州爲攻擊目標

(四)第四方面軍(石友三)以石友三部向濟寧萬選才部向陽山孫殿英部向宿州爲二三方面軍攻取徐蚌之先鋒

(五) 第八方面軍(樊鍾秀)暫時固守臨潁許昌

(六) 如各方接洽成熟能得張學良何健劉文輝等諒解則續編第五第六第七方面軍

四 中央出兵之準備

第四十九師師長任應岐獨立第十旅旅長高桂滋當唐(生智)石(友三)舉兵時附亂有據亂平復與閻錫山密相勾結所部駐防海州諸莒一帶徐州受其威脅蘇魯恣其騷擾暫編第二師師長廬興邦擄捕福建省政府委員舉兵抗命與任高同屬肘腋之患中央爲肅清後方起見先爲分別解決如左

其一 解決任應岐部

任師大部駐紮海州其餘分駐新安鎮至東海之鐵路沿線及清江浦蒙城各地因其與高桂滋石友三孫殿英等同惡相濟互爲聲援應出其不意迅予解決以免引起羣逆協謀來攻徐宿反授閻錫山以先發制人之機總司令爰爲左列之處置

(一) 令任部移駐壽州正陽一帶限二月二十日以前到達所遺海屬防地着獨立第十三旅徐聲鈺部由清江開往接替

(二) 俟任部主力抵睢甯靈璧附近即由第一軍軍長顧祝同指揮預行部署之軍立予包圍繳械

任部分駐清江蒙城各一團同時調駐他處嚴行監視候令改編倘有異動亦立予解決

(三) 令陳總指揮調元派兵監視高桂滋旅防其叛變

(四)令劉總指揮時以第一第二第三各師主力嚴防石友三孫殿英等部來攻徐宿並派鐵甲車兩列分巡徐州新安鎮與徐州碭山間

二月十七日任部遵令移防我徐聲鉅旅接收海州新浦至新安鎮等防地十九日任部分由舊邳州密灣兩路向睢寧前進我第一軍顧軍長遂照如左部署解決之

(一)第九旅于二十日由三岔路向睢甯跟蹤壓迫

(二)同日第四旅缺一團進至靈璧第六旅之第十六團進至張家莊沱河集附近均于二十一日向睢寧會剿

(三)徐聲鉅旅派隊至泗陽宿遷堵截第五師趙錫光團分駐五河泗縣堵截

二月二十一至二十六日任部趙青山旅在靈璧繳械楊新民團及砲輜各營在泗州改編安榮昌旅在蒙城改編仍委趙青山安榮昌爲旅長分領改編各部任自率殘部四千餘人由邳縣北竄經沿途駐軍堵截繳械至三月七日僅餘殘部千餘衝過滕縣界河間鐵道西竄入豫與石友三孫殿英等會合四月初旬閻錫山謀亂愈急總司令爲掃清徐州附近雜軍與鼓勵雜軍將領討逆立功起見改委安榮昌爲暫編等七師師長俾率所部由蕭縣移駐豫省之鄆陵扶溝此爲解決任部之經過情形也

其二 解決高桂滋部

任部既經解決高桂滋以一旅之衆困守莒諸二城勢孤力薄原不難一鼓而下嗣以閭閻變事急國軍不敷調遣僅派陳衆孚旅(屬第四十六師)在諸城監視四月一日陳旅調往濟寧以李

統英旅（屬六十四師）開往諸城接替並由新編第二十六師陳耀漢部派一團赴莒縣監視高乃一面託馬總指揮鴻逵向中央輸誠請求改編一面嬰城據守陰與閻馮通信待援遷延至五月十日未有結果嗣後國軍忙於討敵僅令陳耀漢師監視之八月中旬閻軍敗退河北高始覺絕望率部突圍向青州方面竄去

其二 解決盧興邦部

一月六日暫編第二師師長盧興邦襲據福建省城玆質省府委員中央即令該省政府主席楊樹莊切實查辦迄二月下旬查辦仍無結果乃令第五十六師（劉和鼎部）與第十二師（金漢鼎部）分別集中泉州永安附近實行會剿所有會剿部署如左

（一）劉師限三月一日由泉州出發經惠安莆田在莆田永泰間略停待命再向福州前進將福州盧部解決後酌留一部鎮攝餘向延平轉進協同金師肅清該處敵部

（二）金師（缺一旅）限三月十日由永安出發經沙縣向延平前進限十三日到達即向該敵進擊但尤溪有敵小部隊該師到達沙縣附近須派一部對其警戒或解決之

（三）金劉兩師所遺防地限在出發以前由新編第一師（張貞部）接替完畢

（四）閩省政府酌派海陸陸隊協助之

三月十二日劉師驅逐福州之敵佔領其地隨即協同金師進攻延平盧乃嬰城堅守與城外匪軍相爲聲援迄五月十日仍在相持嗣後國軍在豫魯劇戰金師應調北征僅留對劉師對盧嚴

行監視直至十月二十五日盧悒於閻馮敗亡勢已孤立始悔罪輸誠送還規質諸員中央以大亂甫平赤匪待剿特予以自新之路暫准剿赤自效

作戰準備

二月十六日總司令策定討伐軍戰鬥序列與作戰準備計劃決以國軍之主力集中於豐沛新安鎮徐州蕭縣宿州蚌埠壽州正陽關阜陽潁上之線先行擊破石友三孫殿英等部以孤閻馮之勢大部集中於平漢路線之許昌漯河西平一帶及以東之商水項城正陽上蔡等地與主力軍相呼應以阻閻馮南犯之路更於舞陽信陽廣水花園安陸孝感武昌漢口等地集中四師兵力以爲後援兼顧策源地連絡線之掩護以原駐濟南附近之第四十六師兗州附近第五十五師在原地集中以山東警備旅之一部在黃河北岸警戒防止閻軍來侵以駐屯徐州之第一師蕭縣之第三師阜陽之潘善齋旅在原地警戒担任主力軍之集中掩護以第五十一五十三兩師集中襄陽樊城第十七師集中南陽紫荊關担任最左翼之掩護并封鎖陝南馮軍之出動茲將各路軍準備概況分述如左

其一 第二路軍

第一軍之各師原駐徐州蕭縣附近担任掩護於二月二十日集中完畢總司令爲充實該軍戰鬥力并令陸軍教導隊抽編野砲八門陸軍軍官學校抽編野砲十二門武漢要塞抽編步兵砲六門均限二月二十五日前運往徐州加入戰鬥序列

第八軍之第五十二師新編第二十六師均照集中計劃所定日期集中完畢惟新編第二十一

師因輪運愆期至二月二十七日始由浦口乘車向徐州輸送

第三第十一兩軍皆如期集中

第十一師於二月二十八日在漢口乘船三月三日始全部到達浦口其先發之第三十二旅於三月二日由火車輸送蚌埠後續一旅改駐徐州

第五師胡旅因上海情形複雜未能如期集中

其二 第五路軍

第九軍之第四十七師改向漯河西平遂平一帶集中第四師在鄭州附近逗留未動第五十四師於十七日由鄭州向鄆城小商橋孟廟一帶集中

第十軍之第四十四師改在信陽以東固始黃川光山一帶集中第四十八師改在信陽附近集中因皆在防地附近集中甚速

第二軍之新編第五師由舞陽向武漢集中稍稽時日其餘各師皆在防地集中甚易第五十一第五十三第十七第十三各師均在防地附近集中俱不濡滯

第十二軍萬選才石振清劉桂堂各部分駐洛陽孝義禹縣一帶累電報告馮軍行動請纓乞餉情現乎詞暫令在原地停止試其誠僞

其三 總預備隊

二月十七日陳總指揮調元在兗州約獨立第十旅旅長高桂滋會於臨城原擬藉此扣留和平

繳械以除後方之患乃高逗留棗莊託病不去始決計以第五十五師之岳旅于十九日晨向棗莊嶧縣之高部進剿以第四十六師之兩旅圍攻諸城安邱留一團於平度昌邑對膠東警戒並以第五十五師之李張兩旅及警備旅之一部集中濟南兗州間第四十六師之陳旅集中濟寧另於德州附近駐警備旅四營東昌附近駐一團對閭軍警戒二月二十一日棗莊嶧縣之高部完全肅清其大部齊集臨沂莒縣沂水諸城安邱各城負隅固守此時陳耀漢師已由臨沂向高部會剿二十六日午刻第四十六師之牛團在諸城西南擊退高部援軍一團追至枳溝之線而閭軍大部適由津浦路與曹州方面着着侵入乃決以第四十六師担任肅清高之殘部令第十五師之岳陳兩旅及警備旅徐團固守汶上濟寧兗州之綫張彬旅及李松山旅之一團集結濟南附近固守黃河南岸陳孝思警備旅分駐泰安大汶口滕縣臨城棗莊一帶任津浦路之保護施中誠警備旅及愈逢潤團任濟南市之警備并準備破壞黃河鐵橋以阻閭軍南犯

初次計劃之變更

三月一日韓復榘石友三等聯名通電擁護中央而石友三部由歸德移駐鄭州韓復榘部曹福林師由鄭州移駐歸德均能格遵中央命令如期調防總司令察其情誠乃即變更作戰計劃并于三月六日分電劉峙何成濬陳調元等總指揮知照計劃變更後以韓復榘爲前敵總指揮統率津浦路方面軍暨第一總預備隊與平漢路方面軍暨第二總預備隊從事討伐準備所有作戰部隊之集中均照計劃進行

三月十二日據報馮玉祥由晉入陝後積極準備東犯而孫殿英部逗留毫鹿一帶石友三渡河

後態度又變乃電令各軍改定集中地區如左

其一 津浦方面軍

第六十四師集結濟寧附近并於東阿及其以西鄆城曹州各黃河渡口派監視部隊更在渡口對岸酌派騎兵任監視及偵察限三月十六日以前完畢

第四十六第五十五兩師集結濟南附近并于東阿以東平陰長清濟陽各渡口派監視部隊限三月十五日完畢

凡集中魯境部隊在未開戰前概歸陳總指揮調元節制第五十二師改調阜陽新編第二十一師集中太和均着徒步行軍限三月十八日完畢

騎兵第二師以一團駐守阜陽以一團分駐渦陽蒙城限三月十六日前到達担任守城任務其餘部隊任滁縣以北至蚌埠沿鐵路線之警戒其派駐阜陽之一團俟第五十二師新編第三十一師到着阜陽太和後歸葉軍長開鑫指揮並移駐沈邱專任礮山方面連絡之用

第三師開碭山附近監視孫殿英部

第七第十兩師仍在徐州蚌埠一帶原地待命

其二 平漢方面軍

第三路軍各師着先集中鄭州開封歸德一帶督促孫殿英部渡河

第九軍主力集結漯河附近並派工兵營及步兵一部偵察駐馬店至春水鎮一帶陣地從速構

築防禦工事第六師推進確山附近構築防禦工事暫歸王金鈺指揮

其三 洛陽方面軍

洛陽部隊若受東進之敵軍壓迫時則退守鞏縣登封臨汝之線其主力應置於臨汝並速破壞黑石關之鉄橋若敵軍逐次東侵壓迫過甚時可放棄鞏縣退守登封臨汝

第二次變更計
其及部隊行動

三月十九日總司令以石友三部復變而閻馮兩部有傾巢來犯之勢爲謀我軍作戰便利及穩定人心起見決再變更計劃暫取守勢于津浦路之黃河南岸及平漢路之豫南地帶構築防禦陣地待機出擊

是日第三路軍以第二十師集中柳河第二十九師集中開封騎兵師由杞縣向寧陵柳河移動其附屬之第十四師(劉春榮部)先於十八日夜潛離開封此時孫殿英盤踞歸德寧陵柘城亳州一帶叛跡顯著二十日第二十第二十九兩師及騎兵師遂向寧陵歸德之孫部進攻二十一日萬選才部接受閻命援助石(友三)孫(殿英)向開封來犯二十三及二十四兩日萬部連襲中牟均被第三路軍擊退時石友三部集結道口窺伺魯西馮(玉祥)軍有二十五日入鄭州之說

二十一日第二路軍之第三師進攻馬牧集第十師進攻渦陽第五十二師進入阜陽新編第二十一師進入太和第七師一部在永城同向歸德亳州之孫部壓迫二十四日第三師攻佔馬牧集掩護第三路軍向魯西方面撤退

二十六日總司令下如左電令

(一) 第一路軍除鎮攝山東地方外對於天津南下敵軍有持久遏拒之任務先拆毀德州方面之鐵橋至不得已時則放棄德州但在濟南附近黃河南岸務須先期構築永久工事並須偵察滄州方面之敵情適當時破壞黃河鐵橋對於東阿以東各渡口嚴加戒備而控置主力於濟南附近協同第十五路第三路軍互爲策應但泰安平陰東阿三縣當韓部未移魯西馬部未來接防之前應由該路軍派隊嚴防並徵集沿河船隻扣留南岸

(二) 第十五路軍應在兗州濟寧構築永久工事作固守之計對於東阿及其以西鄆城曹州各渡口嚴加戒備迨第三路軍到達魯西後協同第一第三路軍守備魯境視時機許可轉取攻勢

(三) 第三路軍先在鄭州歸汴間集中相機解決孫殿英部至必要時主力移集荷澤鄆城間選定陣地構築堅固工事協助第十五路軍警備魯西

(四) 第二路軍應撤至阜陽渦陽永城徐州之綫歸亳有孫部據守暫可勿攻即行撤回原防構築堅固工事暫取守勢

(五) 第五路軍之第九軍應撤至漯河確山一帶

右令下達後各軍實施情形如左

其一 山東方面第一第三第十五各路軍之行動

第一路軍分爲兩軍（一）北路軍由范熙績師長指揮以第四十六師（缺一旅）第五十五師警備第一旅之一團編成之集結於濟南泰安膠濟路綫之一帶担任東阿迄膠陽以東之警備（二）南路軍由陳耀漢師長指揮以新編第二十六師之一旅獨立警備團及警備第二旅之四營特種兵一營編成之担任諸莒圍城及蒙費間高部之肅清其餘部隊分任津浦膠濟兩路與濟南附近之警備三月三十日閭軍由德州南犯平原我第五十五師前哨一連退回禹城又在荷澤警戒之步兵一團亦同日撤回肥城歸還第五十五師建制

第十五路軍于二十六日派騎兵旅前往東阿東平鄆城荷澤一帶監視黃河渡口二十七日第六十四師一部向上列各地增加三十日因第三路總指揮部移到濟寧特將駐濟寧部隊於三十一日向泰安輸送

二十六日第三路軍之獨立旅先向魯西移動第二十第二十九兩師各以一旅監視歸德寧陵之孫殿英以一部集結開封附近警戒鄭州方面騎兵在寧陵大康間二十八日夜開封附近部隊悉數東撤二十九日夜韓總指揮復渠率其本部輜重到徐州三十日到濟寧此時獨立旅已集結於荷澤第二十第二十九兩師亦定於三十一日拂曉由柳河歸德向魯西移動預定以第二十師主力駐濟寧一旅駐金鄉第二十九師分駐曹縣單縣城武虞城騎兵師之徒步兵已開鉅野乘馬兵梭巡於民權考城東明之線以定陶爲根據地

總司令部據以上情報三十一日以命令規定魯境各路軍作戰地境（一）第一路第十五路軍